

無綫新劇《俠醫》演員陳豪、張曦雯、劉佩玥、丁子朗與馬貫東等，前晚出席煞科宴。飾演中醫的陳豪透露學習不少新技能，獲他按摩的張曦雯更給予這位「陳醫師」滿分好評。



張曦雯讚陳豪有紳士風度。

丁子朗演鹹濕渣男冇底線 陳豪按摩出色 張曦雯畀滿分

陳豪和張曦雯在劇中飾演一對，談到拍攝難忘事，陳豪表示學識舞火龍、太極、白立竿、射箭等，最想嘗試針灸：「有兩位演員得到中醫教授指導針灸，我好想試施針，但冇人肯畀我試，哈哈！」

張曦雯則難忘陳豪在中環街頭為她按摩的戲份：「有一場戲講我扭傷腳，陳豪幫我除襪按摩，完全唔在意我有冇腳汗。佢手法專業，呢位『陳醫師』絕對值得100分！」問陳豪有冇幫太太陳茵媺按摩？他坦言經常為太太按肩背腰。

劉佩玥與丁子朗在劇中互相利用，並合力打垮陳豪及張曦雯，丁子朗自嘲角色是鹹濕渣男的「性情中人」，還自爆與劉佩玥有激烈的親熱場面。他很感謝得到劉佩玥信任，令他放膽演出。為拍攝一場裸露鏡頭，他兩天未有進食：「有一幕講劉佩玥影我裸照，我赤裸着仔煙囪，導演好

好，安排用我手機拍，現場得我、導演同助導3個人，再由我親自P走敏感部位。」丁子朗指這場戲的尺度堪比他早年在旅遊節目全裸浸溫泉，為了演出不設底線。

劉佩玥苦練跳艷舞

劉佩玥則透露在劇中要挑戰跳艷舞：「我要嚟鄭子誠面前跳桌上舞，為咗展現誘人性感舞姿，上堂學同啲屋企瘋狂苦練，因為唔想跳到似啲張裕祿嚟去，變成不倫不類嘅搞笑鬧劇。」

提到同劇演員兼緋聞女友郭柏妍因食物敏感，入院缺席煞科宴，丁子朗說：「畀啲空間佢，畀佢好好休息。」問兩人是否已沒聯絡？他說：「工作上冇。」劉佩玥則表示已傳短訊問候郭柏妍：「佢有覆我，佢話佢好想參加煞科宴，但佢隻眼仲係唔舒服，我叮囑佢要好好休息。」



丁子朗預告與劉佩玥有激烈親熱戲。



《俠醫》台前幕後一齊食煞科宴。

太太傳去年患重病 張繼聰：佢好健康

張繼聰與任達華昨日出席汽車活動，提到有傳張繼聰太太謝安琪(Kay)去年初患重病，被緊急送院做手術，康復後，她一直擔心病情復發，經歷生死後更加珍惜身邊人。張繼聰澄清老婆很健康，並否認入院：「太太之前腸胃炎同爆微絲血管，我就有椎間盤凸出去照過，出入醫院好正常。(Kay有冇做手術?)冇做手術，唔使擔心，佢好健康。」張繼聰坦言太太肺部較差，又試過中流感：「咳好易令聲帶受損，影響唱歌聲沙。我覺得做歌手耐啱，喉嚨肌肉有機會退化，所以近年跟唱歌老師學發聲，鍛煉新唱法。」

任達華透露正於山東拍劇，今次專程返港出席活動。他指山東現時很熱，濕度又低，問到會否擔心中暑？他笑言太太準備了防中暑藥和護膚品：「不過我角色比較粗獷，護膚品用唔着。」



張繼聰(左)與任達華出席汽車活動。

周吉佩豁出去跳唱新歌

歌手周吉佩日前到新城廣播接受黎莉主持的《勁爆樂勢力》錄音訪問，宣傳跳唱新歌《GUTS》。吉吉直言若是以前的自己，絕對沒可能又唱又跳：「上次跳舞主要係手部動作為主，今次真係跳熱舞，因為我唔想框住自己，尤其粉絲畀我好多動力。以前我真係冇可能做呢件事，覺得擺結他唱歌仲好，依家豁咗出去。」吉吉笑稱可能被排舞師整蠱：「佢成日鼓勵我，不停話我跳得好，又話我進步咗好多，係咁催眠我，令我真係覺得好勁，所以就跳啦。當我唔尷尬時，尷尬就係其他人，咁我又使乜理你感受呢？呢個先係『GUTS』嘛！」



吉吉到電台宣傳新歌。